

Lebih 300 warga Universiti Malaysia Pahang hadiri Program Selamatkan Gaza

UM (K110) 5/12/12 M26



UNIVERSITI
MALAYSIA
PAHANG

KUANTAN 4 Dis. - Lebih 300 warga Universiti Malaysia Pahang (UMP) di sini menghadiri Program Selamatkan Gaza dan Kutipan Tabung Amal di sini baru-baru ini.

Program berkenaan diadakan sempena Hari Kualiti dan Inovasi UMP yang disambut meriah di Dewan Astaka UMP di sini dengan beberapa aktiviti serta pameran dianjurkan selama tiga hari itu.

Kebanyakan yang hadir tidak melepaskan peluang mendengar pengala-

man penceramah jemputan daripada Pengurus Aman Palestin cawangan Kuantan, Muhammad Sabri Muda dengan menyampaikan maklumat tentang keperluan bantuan serta sumbangan untuk menyelamatkan penduduk Palestin.

Menurut Muhammad Sabri, pihaknya amat menggalakkan masyarakat menghadiri program seumpama itu bagi menarik perhatian umum untuk turut serta dalam menjalankan misi kemanusiaan berkenaan.

"Aman Palestin mengambil inisiatif mengajurkan program ceramah demi menggalakkan masyarakat dari pelbagai agama dan keturunan untuk sama-sama menghayati isu kemanusiaan yang sedang dihadapi penduduk Palestin pada masa ini," katanya ketika ditemui di sini.

Yang turut hadir Pengarah Pusat Islam dan Pembangunan Insan (Pimpin), Prof. Madya Dr. Hasan Ahmad dan Timbalan Pendaftar Bahagian Latihan dan Pengembangan Kompetensi (BLPK), Zainuddin Mat Hussin.

Menurutnya, masalah yang membelenggu penduduk Palestin sejak sekian lama bukan semata-mata berkaitan dengan masyarakat Islam tetapi lebih merupakan isu kemanusiaan.

Dalam pada itu, seorang penuntut Fakulti Teknologi, Hanira Mahidin berkata, sebagai mahasiswa dia terpenggil untuk turut sama berjuang membela nasib penduduk Palestin keseluruhannya dan tidak hanya mengkhususkan kepada masyarakat Islam sahaja.

Tambahnya, apa yang berlaku di Pa-

lestin merupakan masalah berkaitan dengan keprihatinan umum tanpa mengira agama atau keturunan.

"Kempen mengutip derma dan berkempen membantu penduduk Palestin adalah salah satu perjuangan tanpa perlu mengangkat senjata semata-mata," katanya.

Sebanyak RM3,553 berjaya dikumpulkan hasil sumbangan daripada Masjid UMP, Badan Kebajikan dan Sukan Staff (BKSS) dan setiap jabatan di universiti tersebut.